

no. 4  
A D V I S

O V

CONSEIL

Donné à Messieurs les Tresoriers,  
& Financiers de France;

*Par le Comte Schomberg.*

M. DC. XXIII.



*[Faint, illegible handwritten text, likely bleed-through from the reverse side of the page.]*

# ADVIS OV CONSEIL

*donné à Messieurs les Tresoriers  
& Financiers de France.*

**M**ESSIEURS, l'ay eu vn extreme regret à mon depart de ne vous pouvoir dire Adieu, pour la haste que i'auois de m'en aller, & vous puis asseurer que ce n'a point esté sans de grands resentimens que ie me suis soustrait de vostre presence; aussi ay-ie sceu de bonne part que vous en auez tesmoigné de grandes douleurs.

Par celle-cy ie viens au deuant dela consolation que ie pourrois receuoir de vous, & en vous consolant ie me console moy-mesme parmy les malheurs qui me pour-

fuient, & qui vous menassent, & quelques fois on allége son mal le racontant à autrui, les malheurs preueus sont plus faciles à supporter.

Ie n'adresse pas ces consolations au general, ny à tout le corps des Financiers, il m'eust falu faire trop grandes quantité de coppies: mais à quelques vns de mes plus intimes amis, qui ont tousiours astimé avec moy, que le nombre d'Or estoit meilleur que l'Espaëte, iouxte aussi que toute lettre consolatoire ne s'adresse qu'à celuy qui est affligé, & non à vn homme qui d'une conscience integre passe ses iours dans la mediocrité.

Vous pouuez auoir sceu combien ie me trouuay estonné quant on me donna mon passe-port, &



qu'on me fit retirer du Louure; iama-  
 mais en ma vie ie ne me trouuay  
 en telle confusion, & faut que ie  
 vous die sincerement que le Roy  
 a tres-iuste cause de ce plaindre de  
 nous : car nous l'auons entiere-  
 ment vollé.

Pour mon regard ie vous con-  
 fesseray, que quant ie vis monsieur  
 de Luynes mort, il me prit vne en-  
 uie de briguer ses charges, & de  
 me reuestir de ses despoüilles, à  
 quoy ne peurent toutesfois reussir  
 mes pretentions, veu que de tant  
 de gouuernements, places & char-  
 ges qu'il possedoit, ie n'ay peu em-  
 porter que celle de grand volleur  
 de France, où ie me suis tellement  
 faoulé que i'en ay pris iusques au  
 rendre, il ne m'a esté aucun besoin  
 d'espreuier ny de faulcon, i'ay aussi

bien vollé qu'homme de mon  
 temps, en quoy ie recognois mon  
 imprudence & ma temerité: car ie  
 deuois mouler mes pas sur ce grád  
 Dedale mon deuancier, qui sça-  
 uoit iadis voler entre deux airs, &  
 ne rien alterer de l'Estat; où au  
 contraire i'ay faiet comme vn au-  
 tre Icare, lequel voulát voler trop  
 haut tomba dans la mer, & fut en-  
 feuely miserablement sous le cou-  
 rant des ondes.

*Quid non mortalia pectora cogis,  
 ---- auri sacra fames.*

Que de stratagemes, que d'E-  
 dicts, que de surcreuës, que d'im-  
 pots, que de tailles & subsides a-  
 uons nous vous & moy inuentez  
 pour mieux voller, le nombre en  
 est infiny, aussi sçauoy-je bien que  
 la cabale se descouueroit avec le

temps. C'est ce que me disoit vn iour Monsieur le Cardinal de Reths (que Dieu absolue:) mais qu'usse-ie faict, il falloit faire comme les autres, puis que chacun le trouuoit bon ainsi.

Vne chose qui nous a entiere-  
ment gasté, ç'a esté le peu de soin  
que nous auons apporté au soul-  
doyement de l'armee du Roy, veu  
que nous auons laissé quelques-  
fois escouler cinq ou six mois sans  
faire vne seule monstre aux sol-  
dats; Comme on a peu voir de-  
uant Montauban, la Rochelle, &  
Montpellier: voyla la premiere  
faute que nous auons faicte, qui  
estoit tres lourde: car cecy a esté  
cause que le Roy eut aduancé de  
beaucoup ses affaires, & eut con-  
duit ses entreprises d'vne façon

toute autre ( bien que pour cela il n'ait laissé de voir ses projets secondéz d'un heureux succez.)

Pour moy j'ay palié tant que j'ay peu cest enuahissement, & ay tasché de faire croire au Roy que ie luy estois fidelle, & de faict ie l'ay entretenu long temps en ceste croyance, me persuadant que ie gaignerois beaucoup sur les grâds, si avec mes pistolles ie leur bouchois les yeux, les oreilles & la bouche, pour ne rien voir de mes pratiques, pour n'en rien ouyr qui me despleut, ny pour en rien dire qui peut tourner à mon desadvantage.

Ce qui m'a reussi pour quelque temps assez fauorablement: mais en fin ie me suis perdu moy-mesme, lors que dans les tranches de  
Mont-



Montpellier, pendât le plus chaud du combat, ie iouây en trois coups de dez, avec monsieur le Prince cent mille pistoles qui estoient fraichement arriuees pour soul-doyer l'armee.

Ceste perte me perdit, car dès lors les soldats commencerêt à depiter cōtre moy, & me detester cōme la principale cause de leur fatigue, en quoy ils ne se trompoient pas: Vous de vostre costé vous avez faict vostre main & pesché en eau trouble aussi bien que moy: Les vns en la conduite de l'argent, les autres en la conduite des poudres & munitions, les autres en retenant les montres des Capitaines. Bref l'argent est comme la poix & la glux, qui laisse tousiours des reli

ques dans les mains de celuy qui la manie.

Quant ie iette les yeux sur toutes ces choses, ie ne sçay sur quoy fonder la consolation que ie vous enuoye, & moy mesme aurois besoin d'estre consolé: car ie me trouue bien rabaislé de mon premier degré, & n'estoit de honte ie contreferois le malade, aussi bien que celuy que le Roy menassoit de la potence deuant Montpelier. Ce que ie vous puis remonstrier en cecy, est qu'il se faut roidir contre les durs & aspres assauts du temps & de la fortune, & dire avec vn certain Poëte,

*Tout ce qui est bon à prendre  
Est aussi tres bon à rendre.*

On ne parle plus que de nous dans Paris, chacun nous faiet no-

stre procez; desia les Cours de Parlement blasment le luxe immense où nous viuons.

Ils s'estonnent comme se peut faire qu'un finacier puisse gagner en vn an cent mille escus, & admirerent comme vn tresorier peut donner cinq cens mille liures à sa fille en mariage, sans les bagues & les perles.

La Cour des Aydes dit qu'il ne nous faut ny aisles, ny plumages, & que nous volons bien tous seuls.

Les bourgeois disent, que le seul moyen que le Roy puisse inuenter pour auoir de l'argent en bref, est de nous faire cracher au bassin, & de nous espraindre comme vne esponge, & qu'en peu de

temps il aura remply ses coffres  
vuides.

Quelques vns font d'opinion  
qu'il nous faut faire aualler vn  
breuuage vomitif, à fin de nous  
faire desgorger tout ce que nous  
auons pris.

Les autres qui font les Iudicieux  
disent qu'il nous faut couper les  
plumes, & que nous ne volerons  
plus.

Somme tout, chacun nous bail-  
le son colibet: l'aduertissement  
que ie vous peux donner au mi-  
lieu de tous ces orages, est de pren-  
dre patience. Je sçay qu'il vous se-  
ra bien difficile de demordre, lors  
que vous commencerez à ronger:  
toutesfois il faudra faire de neces-  
sité vertu, & dire avec le grand &



magnanime guerrier de l'antiquité: l'ayme mieux estre poltron & viure plus long temps. Quoy que vous fasciez, remettez vous entre les mains du Roy, & luy rendez de bonne heure ce que vous auez emporté, c'est le plus seur, Ce faisant vous vous osterez ceste espine hors du pied, & iouïrez de vos anciennes libertez.

Pour mon regard, ie feray tous mes efforts pour faire paroistre que ie n'ay point trempé dans toutes ces factions: ce qui sera vn grád bien pour moy si ie le peux prouuer. Je vous eusse escrit plusieurs autres particularitez touchant nos affaires: mais craignant que cela vint à la cognoissance du peuple i'attendray au premier iour; ce-

pendant i'ay donné charge à ce  
porteur de vous dire quelque cho-  
se de bouche touchant mon de-  
part.

Vostre affectionné  
seruiteur, &c.